

Hè Natale !

Di dicembre, e decurazione fiuriscenu in i carrughji, certe sò appiccate ind'è l'arburi è e case s'alluminanu. Bocce di Natale, tarte è paste d'oru vestenu u ghjallicu chì a cima s'infrangia d'una stella. In cità cum'è in campagna, si prepara à festighjà Natale.

U 25 di dicembre, i cristiani celebranu a nascita di Ghjesù Cristu, ma per assai, Natale hè a festa di i zitelli. Issu ghjornu, milioni di rigali sò messi à u pede di i ghjallichì. Quale hè chì l'hà pussutu purtà sin'à quì ? Babbu Natale, benintesu ! Cù a so longa barba bianca, i so vestiti rossi è bianchi, è a so panza, Babbu Natale si ricunnosce da luntanu. Campa in Laponia cù numerosi fulletti chì tuttu l'annu, l'aiutanu à fabricà i ghjoculi.

A sera di u 24 di dicembre hè ora di parte ! Cù u so curlone, Babbu Natale scumparte rigali à i zitelli di u mondu sanu. Per aiutà lu in a so missione, pò cuntà nant'à e so renne chì tiranu u pisiu sculiscettu.

Falà per u caminu, infrugnà si discretamente in un'intrata o inerpiccà si nant'à un casamentu, Babbu Natale hè capace di tutti i fattoni per arricà i rigali à tempu. Ma à una sola cundizione : esse stati bravi tuttu l'annu, cosinnò...



Approntate vi per una meravigliosa

Festa di Natale





Festighjate Natale cù i vostri è l'amichi senza scurdà
vi di i menu furtunati.

Bon è santu Natale à tutti è cusì sia !

